

甘肅全省新通志

陸 卷 捌 拾 伍

甘肅新通志卷之八十五

流寓

高山仰止景行行止雖不能至然心嚮往之矧賢人君子寓居西土者乎同一勝地經名流題詠山川生色其尤著者蓄道德能文章此邦人士有所矜式或薰德善良或聞風則倣且有借箸而籌爲地方造福者其遺澤在人口碑採而輯之見流寓亦鄉邦之幸事云

蘭州府

漢辛 蒲中山人漢初以豪族徙隴西狄道曾孫柔字長洸光祿大夫右扶風都尉馮翊太守四子臨衆武賢登翁武賢破羌將軍生慶忌

唐褚 亮字希明錢塘人仕隋爲東宮學士遷太常博士坐與楊元

甘肅新通志

卷八十五

人物志 流寓

一

感善貶西海司戶時博士潘徽貶威定主簿亮與俱至隴山徽死爲斂瘞人皆義之後爲薛舉黃門侍郎舉滅秦王謂曰寡人受命而來嘉於得賢即授王府文學預瀛州之選在軍中有裨益貞觀中累遷散騎常侍封陽翟縣侯老於家

宋雍 龔字夢鼎閬中人博通經史不干仕進善詩畫紹興中徙家狄道

梁 煥字君章洛陽龍門人進士知四川夔州府事避兵亂徙家狄道其裔孫翰登明成化乙未進士官至翰林院檢討

元張 旺盤厓人元末徙居臨洮自號秋月居士嘗拾遺金三百求其人還之遺金者祈生賢子孫以報後裔孫萬紀爲名臣

明張永富字萬三江南合肥人世爲武宦元末太祖兵過其地永富率諸子隨侍皆有功四子羽厯官臨洮衛指揮僉事遂家於洮

劉杰字元望四川梁山人洪武丁卯鄉舉授國子博士陞禮科給事中庚午秋京師饑明年魚兒泊饑皆用杰言發廩賑濟出爲督提舉漕運使以廉能授太常少卿兼侍讀學士後以議禮謫臨洮府教授遂附籍臨洮永樂初署府事會河西屬邑有剽掠者有司以叛告官軍旣動被俘者衆杰摘無辜千餘人悉縱遣之致仕後廷臣交薦不起年七十三卒

石玉河南嵩縣人洪武初以功授錦衣指揮二十八年調臨洮衛都指揮僉事因入衛籍

許允德長安人洪武初由進士任禮部員外八年上遣允德同中書舍人鎖南等賫詔往諭朵甘思烏思藏十三年回京路抵臨洮卒於官舍奉旨諭祭以大夫禮葬於臨洮十四年勅戶部著令親男許士番次男許榮守護墳所因籍狄道

## 甘肅新通志

### 卷八十五

人物志 流寓

一一

張魁號少峰涇陽人與同里李扶荆賈於狄因家焉兩人相交善扶荆卒遺二子無所歸魁撫之如己子兼以二女妻之扶荆子根長後入庠魁無嗣根長祀之

陳福士吉安永豐人仕元爲肅政廉訪使元亡因拒明兵自江右謫居狄道遂占籍焉嘉靖時五世孫汝聽及諸弟怡恂情皆楊繼盛門下高弟有文名

朱亮字逢隆浙江仁和人戊辰進士官工部主事洪武初謫戍西安肅莊王聞其賢奏請復職因事肅王家於蘭亮孫琳隱居好學孝友重於鄉里肅莊王雅重之及沒王親臨喪手錄其實行勒諸銘碑

戚景明山陰人謫戍蘭州衛善詩文有布鼓集

李鑑字元振吳縣人由吏員爲肅府工正安貧守約志行端潔

長於詩憫時病俗得風人之體焉

夾谷克誠字希顏淮南人號雪樵善篆隸嘗寓於蘭

古 秉字希閔高昌人精於詩畫尤妙絕嘗寓於蘭

徐 蘭字與善浙江開化人洪武初任邵陽知縣謫戍蘭州衛復  
舉國子助教調崇仁縣丞永樂元年聘典京闈鄉試致仕復歸於  
蘭尋又南還卒著有書經體要

解 縉字大紳江西吉水人洪武二十一年進士授庶吉士上封  
事萬言論時政剴切上數稱其才諸大臣皆忌之上慰諭賜錕遣  
歸令讀書十年後來用後因有司劾縉違詔奔喪謫河州衛吏後  
召爲翰林待詔永樂二年擢右春坊大學士

耿復初字明善合肥人性聰敏博通經史尤敦孝友元末歸附李  
文忠廉其賢授中書省使居於杭洪武閒謫戍蘭州衛二年母尚

甘肅新通志

卷八十五

人物志 流寓

三

留杭不遠萬里迎母就養讀書課子造次顛沛守仁義如一日嘗  
玩易至節之六四歎曰宜退而進殃也可止而止無咎自號安節  
老人年八十而卒

謝 圓字友規浙江四明人洪武中以事謫臨洮爲府學掾學富  
才敏文雅而思深受知當道郡弟子員皆從之登第者甚衆尋以  
例釋歸

丁 晉字希敏江南崑山人洪武中謫戍莊浪衛永樂中被選爲  
肅府輿衛司校尉性鯁介明醫術善吟詠尤精於畫所著有樵雲  
集一卷

沈 繹字成章江南吳縣人洪武閒謫戍蘭州衛精醫道敦志節  
善琴書所著有醫方集要平治活法繪素集乏軒餘興

潘若水江西人爲翰林待詔以事充吏於西甯往來於蘭與沈丁

輩遊善詩爲蘭士大夫所重

楊志善浙江杭州人累遷河東鹽運司洪武閒謫戍蘭州衛善屬文不事生產與沈繹丁晉善齒德爲人所重號稱金城三老

田 申北直蠡縣人由進士任錢塘知縣洪武閒謫戍肅府興衛司校尉性渾厚尙古樸治家嚴肅人皆稱之

陳 質字太素江西廣信人洪武閒謫戍蘭州衛精醫術善吟詠自少至老好學不倦著有瓦甌集

游 堅字文固應天府人任山東道監察御史永樂閒謫戍河西因寓於蘭有文翰存又見甘州府流寓

董可善字在道浙江四明人敦德力學教人有法徐蘭爲記城南書塾士亦重之

周 遴字季祥號尋樂臨汾人永樂戊子舉人授直隸清溪縣教

## 甘肅新通志

### 卷八十五

人物志 流寓

#### 四

諭陞肅府教授通五經尤精性理啟迪後學有模範肅府聘爲教授段堅聊讓皆出其門及歿段堅每至其家坐必避席並撫其後裔焉

周 璠字叔魯直隸蘇州人隨父戍河州遂家焉沈潛經史尤精醫道模範鄉閭啟迪後進王竝少時亦嘗遊門下

王 武字彥武江西人博通經史尤長詩詞游蘭嘗與解縉遊遺文最多解文集內恆齋記是其人也

衛 瑗字文璧松江華亭人正統閒寓居河州南宋建炎中尙書衛仲達之八世孫也性敦厚受詩禮訓養親純孝學士解縉有志氣不羣身心獨樂潔然而使貪夫廉毅然而使懦夫立之稱有耕讀軒手卷內翰林待詔學士潘若水序於前蜀郡宣義跋同郡王佐王武王莊毅贊於後

金 璽字廷玉直隸蘇州人從戍河州生景泰閒性好讀書不挾勳貴不樂仕進甘貧崇節從遊大理卿廖東山門下善吟詠不談異端常教人曰貧賤自當守分富貴不可依恃語言須要和緩交遊須當平易人多愛敬至今頌焉

周 蕙字廷芳秦州人爲臨洮衛卒戍蘭州傳詳藝文

郭宗皋字君弼福山人嘉靖八年進士選庶吉士尋改刑部主事擢御史十二年十月星殞如雨未幾哀冲太子夢大同兵亂宗皋勸帝敦崇寬厚察納忠言勿專以嚴明爲治帝大怒下詔獄杖四十釋之歷按蘇松順天行部乘馬不御肩輿歷官至兵部右侍郎總督宣大山西軍務俺達犯大同總兵官張達副總兵林椿皆戰死宗皋坐奪俸給事中唐禹追論死事狀因言全軍悉陷乃數十年未有之大岨帝乃逮宗皋杖一百戍陝西靖虜衛在戍所著有

甘肅新通志

卷八十五

人物志 流寓

五

易書禮記釋義日進衛士劉騰霄高冠房鳳時等講說隆慶改元起刑部右侍郎改兵部

王學謨西安朝邑人嘉靖乙丑進士任山西岢嵐兵備副使以石州破陷軍機謫戍靖虜衛精文章擅詩學日與門人薛尙志高甸董三策焦光裕等講學吟詩萬厯改元例宥職復山西兵備

朝鄒吉方字智千江西福安人隨其父參軍靖郡涖任與郡庠賀以介以道義相期許後以大將軍潘育龍命來衛協諸君子重訂衛志與房梓之孫丕耀交最善記創建紅嘴園福廕寺碑題跋培風書院賀晦齋學規說銘重遊紅山寺自靖遠出郭馬行半月徧遊諸邊屯采訪名勝過大廟弔呂將軍祠輓和士義挾策北上卒業成均

杜錫元字勵堂湖南善化人郡廩生光緒初劉典奉 詔幫辦甘

肅軍務錫元從之鉤稽餉事諸軍之出新疆與駐關內者以時飛  
輓不絕於道積勞成瘵以三年四月卒於蘭州差次錫元伉爽有  
奇氣喜讀書不拘守章句善詩古文詞不屑專攻制藝著有寄傲  
軒詩草西征紀略公餘述聞等稿子本崇己丑二甲第一名進士

平涼府

明劉大謨河南蘭封人嘉靖中進士以事謫隆德幕留居數載其過

六盤有坂驅九折忠猶孝路入中原險自平之句後起官都御史

巡撫四川

國朝張若齡字介柳浙江舉人咸豐初知靜甯州尊賢重士慈惠愛民

民罹大辟憂思愁痛終日不肯食其詩文上承家學悉有法度可

觀後移寓平涼同治二年郡城失守全家死節

固原直隸州

國朝 周攀會甯人家貧乾隆辛未傭於鹽茶廳新營堡李家有客民張中孚攜銀百兩遺於旅店周攀拾之俟中孚至原封以還朱丞某欲獎勵以正風俗周攀以異鄉人去而不顧

馬執中靖遠回民好讀書嫻武藝同治亂後遷居海城從西甯阿訇楊某游楊某廉淡寡慾講性命之理以靜坐爲宗亦避難而寄居者年九十六沐浴端坐而歿執中從游久亦有心得杜門謝客潛修二十年善讀周子太極圖說朱子近思錄諸書年八十四以壽終囑其子別營塋壙不與回族同邱壑子崇德由增貢署華亭訓導孫二長詒燕歲貢生

蔣紹裘廣西興安人原任固原知州方直子補用知縣紹烈兄也同治二年賊攻平涼勢岌岌紹裘先攜眷寓城中與縣令張仁源

甘肅新通志

卷八十五

人物志 流寓

八

善共籌戰守昕夕登陴無稍懈然體素羸弱遂以積勞得咯血證於八月初十日卒越二日城陷其弟紹烈紹先元明元悠並庶母唐氏妻王氏紹烈妻唐氏紹先妻尹氏元明妻舒氏六弟妻張氏子廷弼姪友生女姪四暨戚屬呂庭吉張三僕彭來等凡二十一人均同日殉惟六弟紹緒逸出

涇州直隸州

秦白 起封武安君惠王因起疾使王陵攻邯鄲少利起疾愈王欲使伐邯鄲起曰邯鄲實未易攻也且諸侯之救日至秦雖勝於長平然士卒死者過半國內空虛遠絕河山而爭人國都趙應其內諸侯攻其外破秦軍必矣乃辭疾王又使應侯請之終辭不行乃以王齧代陵齧圍邯鄲久不拔諸侯來救數戰不利武安君曰王不聽吾計今何如矣王聞之怒強起之起稱疾篤乃免爲士伍遷之陰密行至杜郵應侯曰起之既遷尙怏怏然有餘言王乃使賜之劍起自殺秦人憐之魏公子無忌大敗秦師於邯鄲王齧解圍走惠王恥之

唐鞏懷真山陽人爲右神策軍良原鎮馬步都虞侯銀青光祿大夫檢校太子詹事卒於鎮葬良原縣五里

甘肅新通志

卷八十五

人物志 流寓

九

鞏昌府

國朝溫懷璋字禮南秦州貢生幼聰慧讀書過目成誦未弱冠入州庠  
巡道豫師延置幕府襄軍事由貢生洊保直隸州分發四川懷璋  
辭歸僑居漳縣南鄉課徒自給博學多識尤善堪輿及白馬青烏  
術決眈兆無不應鄉之人陰晴休咎皆就卜焉光緒中縣丞陳某  
張某嘗迎至署訪地方利病並鍼移泰山廟址以語高而奇人多  
謂之魔卒後子廩生某搬葬秦州

秦州直隸州

漢申屠剛字巨卿扶風茂陵人性方直仕郡功曹舉賢良方正對策罷歸田里莽篡位避地河西隗囂據隴右欲背漢而附公孫述剛說曰人所歸者天所與人所攜者天所去將軍孤立一隅宜推誠奉順上應天心中醜人望爲國立功可以永年囂不納建武七年徵拜侍御史遷尙書令

鄭興字少穎河南開封人少學春秋學者師之更始拜興諫議大夫涼州刺史使安集關西及朔方涼益三州會天水反者攻殺郡守興坐免赤眉入關東道不通乃西歸隗囂囂虛心禮待而興恥爲之屈稱疾不起聞囂稱王說囂不可乃止建武六年侍御史杜林先與興同寓隴右乃薦興執義堅固敦說詩書徵爲大中大夫後坐事左轉蓮勺令興好古學尤明左氏世傳左氏者多祖興

甘肅新通志

卷八十五

人物志 流寓

十一

興去蓮勺後三公連辟不就卒於家

班彪字叔皮扶風安陵人更始敗三輔大亂隗囂擁衆天水彪避難從之囂問彪曰往者周亡戰國並爭意縱橫之事復起於今乎對曰周之廢興與漢殊異方今帶州域者無七國之資而百姓謳吟思仰漢德乃著王命論以感之而囂終不悟遂避地河西大將軍竇融以爲從事彪爲畫策事漢融還京師召彪入見舉茂才拜徐令

杜林字伯山扶風茂陵人博洽多聞時稱通儒初爲郡吏王莽敗盜賊起林與弟成及同郡范滂等俱客河西隗囂素聞林志節深相敬待以爲持書平以疾辭囂復強起遂稱疾篤囂乃出令曰杜伯山天子所不能臣諸侯所不能友今且從師友之位須道開通使順所志林終不屈節光武徵拜侍御史問以經書故舊及西

州事賜車馬衣被羣寮知林以名德用甚尊憚之林於西州得漆書古文尚書一卷嘗寶愛之雖遭艱困握持不離身出以示衛宏等於是古文遂行後爲光祿勳大司空

任 延字長孫南陽宛人年十二爲諸生學於長安顯名太學中號爲任聖童值倉卒避兵之隴西隗囂已據四郡遣使請延延不應更始元年以延爲大司馬屬拜會稽都尉年甫十九時避亂江南者皆未還中土會稽頗稱多士延到皆聘請高行如董子儀嚴子陵等待以師友之禮掾吏貧者分祿給之賢士大夫爭往宦焉建武初徵爲九真太守九真吏人爲立生祠

馬 融字季長扶風茂陵人美辭貌有俊才博通經籍永初二年大將軍鄧鷲聞融名召爲舍人不應命客於涼州武都漢界中後會邊方擾亂自關以西米穀踊貴道殣相望融旣飢困乃應鷲召

甘肅新通志

卷八十五

人物志 流寓

十一

拜校書郎

唐杜 甫字子美杜陵人審言孫貧不自振客吳越齊趙間李邕奇其才先往見之舉進士不中第困長安天寶十三載獻賦授右衛率府胄曹參軍祿山叛走鳳翔謁肅宗拜右拾遺出爲華州司功參軍關輔饑棄官客秦州寓居東柯谷結草堂草堂之中有泉焉人稱爲子美泉負薪拾橡栗自給其後往來栗亭同谷間今其地俱有草堂遺蹟後流落劍南節度使嚴武表爲參謀檢校工部員外郎

趙 翱長安人徙家天水詳見本州孝義

宋郭執中華亭人中進士第累官樞密承旨建中靖國初應詔言事切直忤旨蔡京籍爲元祐黨人斥居同谷紹興初金人犯成縣乃集鄉豪守禦敵以兵脅執中怒立斬其使恆居同谷後歿遂葬焉

蕭政蕭興澤州沁水人兄弟也建炎初家陷兵火歸宋會朝廷遣宣撫張浚議恢復事兄弟歎曰吾家不幸陷於僞朝願思自効乃收兵從吳忠烈去德順等處以戰功聞政受承節郎興指揮使朝廷厭兵詔講和乃駐兵河池以護蜀政卒葬於長舉

明李敏盛字天成莊浪人天啟甲子舉人隱居秦州仙人崖安貧樂志蕭然箕穎之風餘詳平涼羣材

朱新清山西舉人闖賊之變避跡秦州麥積山詩酒自適日逍遙於松泉間以終其身

盛 廣桐城人明末舉人知徽州崇禎十六年因寇亂與兩當令徐文獻偕隱於兩當之黃岩洞

唐 通未詳其籍微時遊嘉陵江上遂寄居葬其祖母後爲定西侯徽州牧徐起霖兩當縣尹蔣大震爲立碑置買墓田

甘肅新通志

卷八十五

人物志 流寓

十三

國朝牛樹梅字雪樵鞏昌府通渭人起家進士官至四川按察使署布政使政績 宣付史館立傳致仕歸卽寓居秦安縣子孫亦家焉  
李向明字治菴隴州籍寓兩當縣東靈官店曹維浩字春坪湖北籍寓兩當縣南大坪鎮向明豪爽公明人有不善懼爲所知排難解紛兩造得一言而釋及滇匪郭曹各賊前後踞縣城與廩生龍懋霖糾民團截堵賊不敢肆意於東各堡寨粗安以功賞五品花翎弟向統邑武生維浩奉縣諭辦團調度有方人樂爲用倡修穿心崖寨堅壁清野郭曹各匪至無所掠遂去同治七年大饑人相食出雜糧數十石散賑又爲平糶法全活甚衆子尙敬六品軍功尙植歲貢生

階州直隸州

漢蘇不韋爲報父仇藏母於武都山中

南北朝焦 度南安郡氏祖文珪避難成州宋元嘉中父明與千餘家隨居襄陽度少有氣幹善弓馬沈攸之反度守郢城有功嘗於城樓上罵辱攸之後人呼其樓爲焦度樓官終遊擊將軍

唐杜 甫嘗寓居劍南同谷間詳前秦州流寓

李 晟字良器其先隴西人後徙京兆乾元初嘗客遊武都值酋豪以缺守搆亂殺掠平人晟與所從騎十數人馳向射之殪其魁寇所虜獲積如山晟一無所取椎牛釃酒享士而去邦人咸服具狀以聞

李 銜乾元中居同谷與杜子美友善大厯五年子美送李十一銜詩曰與子避地西康州

甘肅新通志

卷八十五

人物志 流寓

十四

宋郭執中謫居同谷沒於此葬焉詳前秦州流寓

元寬徹普化爲世祖之孫鎮南王脫歡子也泰定三年封威順王鎮武昌至正十六年討徐壽輝僞將倪文俊於沔陽兵敗狼狽走二十五年侯伯顏達失自雲南奉以北還轉戰過蜀至成州欲之京師李思齊以取蜀爲名阨不令行俾屯田於成州抑鬱以歿其少子名和尚者歸京師從順帝多著勞勛國變後不知所終

慶陽府

夏不窋按舊志不窋后稷之後值夏德衰亂竄居北豳卽今慶陽子  
鞠陶孫公劉俱歷世爲茲地人

漢馬 嚴字威卿扶風茂陵人少孤從平原楊太伯講學通春秋左  
氏弟敦字孤卿亦知名援卒後嚴與敦俱歸安陵居鉅下三輔稱  
其義行號鉅下二卿明德皇后旣立嚴乃閉戶自守猶慮致嫌遂  
復更徙北地斷絕賓客永平十五年皇后勅使移居洛陽

唐董 默本天水人高宗時爲果毅都尉陞游擊將軍有勇謀多樹  
奇功過正甯因家焉歿葬正甯之北原於今石碣冥器猶有存者  
袁恕己本東光人神龍二年坐南陽郡王事流環州爲周利貞所  
逼飲野葛數升不死憤極坏土以食不能絕乃擊殺之諡貞烈  
蘇 檢洋州刺史昭宗幸鳳翔檢奔行在李茂貞薦卽拜工部侍

甘肅新通志

卷八十五

人物志 流寓

十五

郎同中書門下平章事以女爲景王妃帝還京師檢長流環州  
宋雷沐驤官大理寺通判開寶六年言趙普擅增刑名太祖怒叱曰  
鼎鑊猶有耳汝不聞趙普吾社稷之臣乎引柱斧擊折其上齧二  
齒黜爲商州司馬尋削籍流靈武正史約注曰靈武慶陽府環縣  
王 淵本熙州人徙居環州善騎射累立戰功歷知鞏慶甯州觀  
察使靖康初爲正定都統制高宗南渡討平羣盜拜檢書樞密院  
事兼都統制又詳蘭州鄉賢

明張 珩山西石州人正德辛巳進士由御史歷陞延甯巡撫總督  
三邊清直不阿權貴陞戶部尙書未及任以延綏失利謫戍慶楊  
教授生徒講論道德一時俊髦咸出門下所著有南川錄並文集  
奏議

性文山人不知何許人蓬頭垢面嗜酒善飲詩不構思百首立就

字亦奇有贈衣者即裂而披之囊金不匱莫知所從來凡二十餘  
年死葬長安

甯夏府

晉周 虓字孟威益州刺史建城定公周楚之孫也爲梓潼太守甯  
康元年苻秦將楊安攻梓潼虓固守涪城遣步騎數千送母妻自  
漢水趨江陵秦祕監朱彤邀而獲之虓遂降於安秦王堅欲用爲  
尙書郎虓曰蒙晉厚恩但老母見獲失節於此母子獲全秦之惠  
也雖公侯之貴不以爲榮况郎任乎太平元年徙於朔方之北後  
竟卒於朔方

隋柳 彧字幼文河東解人仕治書御史後爲楊素所忌坐罪除名  
徙配朔方懷遠鎮又詳大吏傳

明陳 矩字善言江西廬陵人洪武初第進士以戶部主事謫戍甯  
夏後復官湖廣江陵知縣

邊定字文靜陳留人潘元凱字俊民嘉禾人洪武時定爲杭州府

甘肅新通志

卷八十五

人物志 流寓

十七

署典史謫戍甯夏元凱由知縣謫戍甯夏

林季字桂芳沈益俱嘉禾人洪武初均謫戍甯夏

毛翀字文羽錢塘縣學生承廣延陵人洪武初翀代父來戍甯夏  
廣爲南昌知事謫戍甯夏

王潛道葉公亮俱天台人唐鑑字景明姑蘇人洪武初潛道爲秦  
州主簿謫戍甯夏公亮鑑亦謫戍甯夏

郭 原字士常號梅所洪武初官黔陽知縣謫戍甯夏

自邊定以  
下舊志並

稱其工詩文好題詠而梅所  
當艱難之際猶以詩酒自樂

王友善溧陽人洪武初謫戍甯夏以文學名

阮 彧字景文錢塘人任兵科給事中其同母弟誼謫戍甯夏未  
及行而卒遂以彧代戍永樂元年以薦者言釋於戍所復其官工  
吟詠猶長於駢體

孫振宛陵人初爲藩府客繼入馬經略幕值闖賊變流寓甯夏以筆墨自適畫有遠神書亦古勁相傳關聖廟乾坤正氣額是其遺筆時有求畫者興至則揮之不問其人其小幅已採入胡曰存譜中

佟子見北豳人以貢士爲留守參軍鼎革後居中衛以詩文自娛教授後學多所成就

國朝郎廷槐號梅溪廣甯人家世以從龍鼎盛而廷槐恂恂好儒術工吟詠自謂學詩於阮亭然以其詩較阮亭多不類論者謂格意在陶元亮柳子厚之間任甯夏監收同知年餘被議罷官寓居下院寺十餘年往往絕粒夷然自得吟詠不輟後卒於永泰寺

西甯府

明潘若水自稱西坡鐵叟善詩畫多著作且性致和韻殊無遷客意人皆重之又詳蘭州府流寓

艾 穆湖廣岳州府平江縣人賦性骨鯁自稱熙亭由舉人歷刑部主事萬曆六年元輔奪情留國一時言路俱暗穆與同舍郎起彈之廷杖八十謫戍西甯十年赦還歷官都察院右僉都御史巡撫四川予告一時六君子穆其一也又見甘州府流寓

國朝楊承霖初爲某官幕友回變羈留丹噶爾在防堵局辦事畫分城汛方位按卦象干支分段各置頭目立法詳備團練初創凡條陳一切多其手訂云

渭潤璞西甯廩生遊學貴德遂家焉篤信好學造就甚多

劉治亮字保慶廣西臨桂人初應碾伯縣令陳繼仁聘理錢穀尤

甘肅新通志

卷八十五

人物志 流寓

十九

精擊刺能力敵十數人同治二年狄河陷賊竄甘南鞏秦各屬路俱梗治亮受戚友託由秦州護眷屬返蘭垣行至伏羌北之二十里鋪遇寇眷屬以先遁得免治亮拔刃赴鬪斃賊數人而身中矛傷力竭被執誘之降不從拘數日卒遇害其同里楊廷煥字善庵者逾年亦以送友眷至西甯歸途值碾伯防營潰變死米拉溝亂軍中

涼州府

漢馬 援字文淵扶風茂陵人少孤有大志諸兄奇之後爲都督郵送囚至司命府囚有重罪援哀而縱之遂亡命北地遇赦因留牧畜賓客多歸附者遂役屬數百家轉遊隴漢閒嘗曰丈夫爲志窮且益堅老當益壯王莽敗復避地涼州世祖即位歸漢爲新息侯拜伏波將軍卒諡忠成侯餘詳大吏傳

班 彪避亂涼州傳詳秦州流寓

馬 融永初二年客於涼州傳詳秦州流寓

劉 般字伯興宣帝元孫般數歲而孤獨與母居王莽敗更始即位船奔長安會更始敗與般西行上隴遂至武威般雖年少而篤躬修講誦不怠其母及諸舅以爲身寄絕域死生未必不宜苦精若此般終不改其業建武八年隗囂敗河西始通般將家屬至洛

甘肅新通志

卷八十五

人物志 流寓

二十一

陽封菑邱侯

晉司馬順字子思宣帝弟魏安城亭侯通之子也初封習陽亭侯及武帝受禪順歎曰事乖唐虞而假爲禪名遂悲泣由是廢黜徙武威姑臧縣雖受罪流放守意不移而卒

杜 耽預之子西安人懷帝永嘉初避亂游河西居金山後仕張軌迨秦苻堅克涼州子孫始還關中

宋 纖敦煌人隱酒泉南山張祚遣使備禮逼徵爲太子友纖歎曰德非莊生才非干木何敢稽停明命遂至姑臧祚遣其太子以執友禮謁纖稱疾不見贈遺皆不受尋遷太子太傅上疏曰臣受生方外心慕太古生不喜存死不悲歿遂不食而卒年八十二諡曰元虛先生

北魏常 爽河內人寓涼州不受禮命魏主以爲宣威將軍爽置館

於溫水之右教授七百餘人弟子事之如嚴君由是儒風始振  
胡 叟安定人徙武威謁牧犍不甚重之叟謂程宏曰貴主居僻  
陋之國而淫名僭禮以小事大而心不純一外慕仁義而實無道  
德其亡可翹足而待後魏主滅涼人以爲先識餘詳涇州羣材  
明丁 昂吳人洪武閒謫戍涼州不詳何官觀其所著涼州賦自敘  
之詞其爲京朝侍從可知

丁 晉善書有雲林大癡筆意餘詳蘭州府流寓

河西傭不知何許人建文四年六月燕兵入京城傭被葛衣走其  
冬至金城行乞市中邊地極寒傭常衣葛明年至河西依莊浪魯  
家爲傭取傭值買羊裘披之夏或衣新布衣皆以故葛衣覆其上  
葛衣破縷縷或勸棄之終不可錢稍餘輒市酒肉與諸乞兒飲食  
力作倦自吟哦或夜聞其哭聲永樂中有京朝官至莊浪識傭欲  
建有葛衣先生祠

## 甘肅新通志

### 卷八十五

人物志 流寓

二十一

與語傭走南山避之旬月京朝官去乃還在莊浪數年病且死呼  
主人囑曰我死勿殮我西北風起火我勿埋我骨魯家從其言今  
建有葛衣先生祠

張榮祖廩生關東人爲酒泉別駕致仕來永昌城南築別墅嘯咏  
其中無仕宦氣士論高之

王慎機永樂閒進士原籍無考謫鎮番善書能文尤精於詩

段 敏金陵人以儒士謫戍鎮番時邊俗尙武不嫻文事敏開塾  
講學閭里始有書聲

劉 璽臨洮人成化時各邊衛有分發國子之命其兄傑薦璽至  
鎮番開館講學從游者數百人

湯 鼐壽州人官御史宏治三年上疏劾萬安劉吉尹直下詔獄  
坐妖言罪死刑部侍郎彭韶辭不判徐溥力言不可使朝廷有殺

諫臣名翥獲免謫戍河西又見肅州流寓

徐文彪上虞人正德時以布衣徵值璫瑾亂政卽於廷中指爲宏恭石顯極詆其惡瑾怒下獄廷杖謫戍鎮番衛

包節字蒙泉江南吳縣人嘉靖閒御史參劾逆璫擅作威福謫戍莊浪衛以章句訓童子以給衣食有時賦詩旣病篤手書寄弟包孝善事母衣以斬衰曰少伸罔極之恩所著有湟中稿張懷德明末進士巡按河南以劾閹豎謫居河西遂家焉

國朝王進寶靖虜衛人微時將西之甘行經永昌八里河柴氏莊夜已半倚門而憩柴老者方睡夢虎踞其門驚寤起視之則進寶也見其形貌挺特知非常人遂延入款留於家柴有烏騅馬蹠齧不可近進寶偶控則馴如常馬柴老心異焉居三月柴爲治裝并馬以遺之往入甘伍越數年武功懋著驟致通顯康熙中爲征南將軍

甘肅新通志

卷八十五

人物志 流寓

二十二

賜子爵嘗遣人具書幣以謝柴云傳詳靖遠鄉賢

吳啟勛字遠堂四川閬中庠生博學工書動不違則乾隆乙未挈家居永昌幕於縣歷官三任時踰十年與人交甚廣然卒未嘗受請託洞悉邑中疾苦官所不及察則告之

甘州府

晉郭 荷字承麻略陽人張祚遣使迫而致之荷乞歸許之以安車蒲輪送還張掖東山又見秦州鄉賢

郭 瑀字元瑜燉煌人品格超俗多材藝善屬文精通經義兼善談論隱於臨松薤谷傳詳安西州鄉賢

唐褚 亮仕隋貶西海司戶處於甘州傳詳蘭州府流寓

元脫脫字大用兩人中書爲右丞相父右丞相太師馬札兒台以別兒怯不花之譖徙甘肅脫脫力請俱行及至甘泉太師安之復移西域撒思至河召還甘州就養泊馬札兒台薨乃召歸史稱識遠器宏功施社稷而不伐位極人臣而不驕遠色賤貨禮士宗賢有古大臣風

明劉 碩字庭堅河閒獻縣人洪武初以通經舉任代府教授後謫

甘肅新通志

卷八十五

人物志 流寓

一二十三

甘州以五經教士尤邃於易草書擅名一時弟子著錄數百人號樂壽翁年七十八卒

劉 薦字士端誠意伯基之孫江西參政連之子洪武二十三年襲封明年坐事貶秩歸里築室雞山下命曰盤谷丁丑遣戍甘肅尋赦還建文帝及成祖皆欲用之以奉親守墓力辭永樂閒卒於家著有盤谷集十卷盤谷唱和集二卷

楊志善洪武閒謫戍甘州中護衛餘詳蘭州府流寓

陳 質洪武閒謫甘州中護衛餘詳蘭州府流寓

閻 良山西人洪武時寓於平彝堡業商性慷慨好施與里人感之沒立廟祀於堡北山

郭 登字元登武定侯英諸孫也正統七年從王驥征木麓川九年從沐斌征騰衡功皆最後謫戍甘肅成化初復爵卒贈侯諡忠

武著有聯珠集二十二卷餘詳大吏傳

岳 正字季方直隸灤縣人任翰林學士晉內閣天順中謫戍甘州時有自京來傳上語者云岳正倒好只是大膽正適寫容因自題云岳正倒好只是大膽惟帝念哉必當有感如或赦汝再敢不敢臣嘗聞古人之言益將死之而靡憾也尋召還又見肅州流寓艾 穆字純卿湖廣舉人爲刑部郎諫張居正奪情言切直謫戍甘肅嘗遊終南山水間與一時詞人結社賦詩

張慎言字金銘山西陽城人萬厯庚戌進士爲曹縣令有惠政擢御史天啟時以直言忤魏忠賢謫戍甘肅明末復職歷官南京吏部尚書

王慎機不知何許人雅有文藻題詠甚富詠靈窟卧龍詩云只恐天上嗔嬾癖六丁鞭起濟涸殘蓋自寓也又見蘭州府流寓

甘肅新通志

卷八十五

人物志 流寓

二十四

陳 敏河南太康人以舉人任濱州訓導謫甘州以經學啟迪後學從遊甚衆著髮塔寺碑記

游 堅應天人以舉人任甯夏府教諭後升任山東道監察御史謫戍甘州耆德碩望尤長詞翰時爭慕之

牟 倫青城人任監察御史以直言謫戍甘州大吏咸慕其丰采甚敬畏之著各碑記

國朝李 漁字笠翁浙江杭州金華庠生康熙中寓靖逆侯署多才藝文采風流當時盛稱著有一家言集詩韻閑情偶寄等書

沈亮工江南松江人博學工詩多著述雍正中客甘州府城輓靖逆侯詩惟有一心光日月曾支半臂轉乾坤百年事業銷金甲一夕風霜冷玉珂等句嘗與鳳翔王仙撰輯張掖新志未成而罷楊 鸞字子安陝西潼關廳人已未進士歷任四川湖南知縣乾

隆二十六年掌課甘泉書院有詩稿行世  
王濟美字絳元江蘇太倉人壬申副貢候補直州判乾隆三十四年掌課甘泉書院著有三台閣記

沈相字琢其浙江錢塘廩生乾隆三十八年掌課甘泉書院工書法

鍾浩字小吾浙江長興優貢候補直州判乾隆四十年爲甘泉書院院長工楷書兼篆隸

莊學和字介南江蘇長洲籍武進人乾隆丙辰舉人壬戌內閣中書乙丑進士授刑部主事充會典館律例館纂修馳驛金川辦理軍務總核奏銷歷任四川龍安雅州保甯知府創建錦屏書院文教聿興歷科中式元魁接踵蜀人頌之嗣陝甘兩省大吏延理幕務十有餘年乾隆戊戌由酒泉院長移課泉集成郡志著有乙

甘肅新通志

卷八十五

人物志 流寓

一二十五

芝園文鈔春秋制藝教孝千字文所至生徒爭從受業

袁英字千之山西汾州人嘉慶道光閒遊幕撫彝工篆隸善丹青得其片紙尺幅無不珍藏如寶云

方山字龍眠安徽桐城人嘉慶道光閒流寓撫彝之黃家堡性剛方工書耽吟詠贈答所遺皆什襲藏之

漆聯捷字月三狄道州增生同治閒流寓撫彝之明麥渠邑人延之課讀循循善誘多所成就焉

李端棻字苾園貴州貴筑人官至禮部尚書光緒戊戌八月因康梁之變獲譴謫戍新疆道經甘州以病乞假僑寓焉暇則以詩酒自娛往來多知名士庚子秋 聖駕西幸蒙 恩賜還

肅州直隸州

明岳 正字季方順天溇縣人正統十三年進士及第官修撰天順初以原官入閣言石亨曹吉祥權太重恐久不可制又言尙書陳汝言小人時命正視草歷數弊政亨吉祥構蜚語謂正賣直訕上謫欽州同知道溇以母老暫留汝言嗾校言狀逮繫詔獄杖百戍肅州亨吉祥誅起原官直經筵出爲興化知府築隄溉田數千頃節縮浮費預備倉儲卿士大夫不利騰謗成化五年入覲致仕嘉靖中追贈太常寺卿諡文肅

湯鼐直隸壽州人牟倫青城人均由進士任監察御史以直諫謫戍肅州

劉大夏字時雍湖廣華容人天順八年進士除兵部郎宿弊盡革遷福建參政廣東布政移浙江皆以政績聞治河張秋疏上流築

甘肅新通志

卷八十五

人物志 流寓

一二十六

長隄水乃大治理宣府兵餉儲積充羨總制兩廣令行盜息民安召拜兵部尙書條上當興革十六事再陳兵政十害武宗嗣位乞歸加銜馳驛大夏忠誠懇篤忘身徇國見疾權倖劉瑾假田州岑猛事欲挫以激變李東陽力解乃戍肅州大夏徒步荷戈至大明門下叩首而去觀者塞路歎息泣下父老攜筐進食所至罷市焚香祝其生還至戍所儒學生徒傳食之遇團操荷戈就伍五年赦歸八年瑾誅復官致仕教子孫力田謀食稍餘散之宗族預自爲壙志卒年八十一贈太保諡忠宣所居東山草堂僅數楹天下稱東山先生

趙逐仙邑里名字未詳原任太常卿宏治初謫戍肅州陶諧有訪趙逐仙之作

潘魴號愚叟原任刑部尙書李高字自卑原任御史張天衢字叔

通原任兵備副使陶諧號南川原任給事中俱以忤劉瑾謫戍肅州後諧起官兵部侍郎總制兩廣

姜道淵原任蘭州知府不知何名道淵其字也正德間李高巡按河西時適涼州人徐謙任蘭州叅將與姜相搆李因劾徐謙徐乃逆瑾黨瑾力爲內庇遂逮治李與邊備副使張天衢及道淵俱謫戍肅州

安西直隸州

朝趙得魁河南開封人初爲沙州營參將同治十二年陝回白彥虎  
竄出嘉峪關入敦煌沿途劫掠闔邑惶恐得魁督兵接戰屢獲捷  
夜率弁兵團勇登城守禦賊不敢逼退處北鄉閱兩月逆回攻城  
不下遂率衆大肆搶掠而去其圍即解至今人謂城得保全得魁  
之力也得魁本先補新疆庫爾烏蘇營遊擊因川資不敷卸參篆  
未赴任流寓敦煌二十餘年於光緒十六年卒邑民悲哀合助賻  
金數百兩其子進善扶柩回籍

流寓補輯

金三品本陝西人僑寓皋蘭孝事父母歿葬祭悉遵文公家禮  
衛晉強陝西人商於郡城嘗拾白金十五兩訪問失主還之  
岳應孝咸陽人寄居中衛性愿謹素貿布有貲數百金人貸輒與  
或不償亦不往索夫婦織毛資生少有所積猶濟貧不已鎮靜堡  
被賊陷有王氏老嫗無所依應孝迎養於家貧者生子不育棄於  
野犬齧之血淋漓尙未死應孝見而抱歸覓婦乳之迨長成髻足  
齧痕猶在也有賣兒於他鄉者母子號泣不忍離應孝與原值贖  
歸之道拾金持白於市三日未得其人歸納之罐中數日有踵門  
哀求者質其數符還之其行如此

